

**Kalaallit Nunaanni eqqartuussisarnermik inatsimmi kapitali 22 malillugu
akiliisitsisarnermut eqqartuussivik ikiorsiullugu akiligassanik
akiliisitsiniarnermik tunniussisarneq pillugu nalunaarut
(akiliisitsiniartarnermik ingerlatsineq piuminarnerusoq)**

Inatsimmik allanngorneri ilanngullugit nalunaarutiginnermi nr. 1007, 27. juni 2025-imeersoq, Kalaallit Nunaanni eqqartuussisarnermik inatsimmi § 263 b, imm. 3 malillugu aalajangersarneqarpoq:

§ 1. Kalaallit Nunaanni eqqartuussisarnermik inatsimmi kapitali 22-imi malittarisassat malillugit akiliisitsisarnermut eqqartuussivik ikiorsiullugu akiligassanik akiliisitsiniarneq, Domstolsstyrelsip akiliisitsisarnermut eqqartuussivik ikiorsiullugu akiligassanik akiliisitsiniarnermut immersugassiaa, www.domstol.gl-imi nassaarineqarsinnaasoq, atorlugu suliarineqassaaq.

Imm. 2. Akiliisitsisarnermut eqqartuussivik ikiorsiullugu akiligassanik akiliisitsiniarneq akiitsulimmut nalunaarutigineqarpat, akiliisitsisarnermut eqqartuussivik ikiorsiullugu akiligassanik akiliisitsiniarneq pillugu akiitsulimmut Domstolsstyrelsip ilitersuusaa ilanngunneqassaaq. Akiliisitsisarnermut eqqartuussivik ikiorsiullugu akiligassanik akiliisitsiniarneq pillugu ilitersuut www.domstol.gl-imi nassaassaavoq.

§ 2. Akiliisitsisarnermut eqqartuussivik ikiorsiullugu akiligassanik akiliisitsiniarnerup tunniunneqarnerani piumasaqaammut uppersaatit ilanngunneqassanngillat.

§ 3. Akiliisitsisarnermut eqqartuussivik ikiorsiullugu akiligassanik akiliisitsiniarnermi paasissutissanik nalunaaruteqarnissamut pisussaaffik, ilanngussanut akiliisitsisarnermut eqqartuussivik ikiorsiullugu akiligassanik akiliisitsiniarnermi ilanngunneqartunut, innersuussinikkut naammassineqarsinnaanngilaq. Paasissutissat akiliisitsisarnermut eqqartuussivik ikiorsiullugu akiligassanik akiliisitsiniarnermut ilanngunneqartuniittut, akiliisitsisarnermut eqqartuussivik ikiorsiullugu akiligassanik akiliisitsiniarnermi paasissutissanut tunniunneqartussatut pisussaaffigineqartunut taamaallaat ilassutaasinnaapput.

§ 4. Nalunaarut ulloq 1. september 2025 atuutilissaaq.

Domstolsstyrelsi, ulloq [dd.] august 2025

KRISTIAN HERTZ

/Laila Lindemark